

**II - ADMINISTRACIÓN LOCAL
DEL TERRITORIO HISTÓRICO DE ÁLAVA****LAUDIOKO UDALA****Diru-laguntza deialdia euskara txertatzeko Laudioko merkataritza, ostalaritza eta zerbitzu-enpresetako errotulazioetan. 2018. urtea**

Udal honetako Tokiko Gobernu Batzarrean 2017ko martxoaren 9an izandako ohiko batzarrean, diru-laguntza deialdi bat onartu zen Laudioko merkataritzan, ostalaritzan eta zerbitzu-enpresetan euskarazko errotulazioa sustatzeko.

Hartutako erabakiaren hirugarren atalean jasotakoari jarraiki eta azaroaren 26ko 30/1992 Legearen 52.1. artikuluan xedatutakoa betez argitara ematen dira, objetibotasun, lehia eta publizitatearen printzipioak bermatu daitezzen.

Laudio, 2018ko martxoaren 15a

Alkate-udalburua
JON IÑAKI URKIXO ORUETA

DEIALDIA**Lehenengoa. Deialdiaren xedea**

Deialdi honen xedea da udalerrian dauden merkatarri, ostalari eta zerbitzu enpresa txikiei diru-laguntzak ematea norgehiagokako erregimenean, euren errotulazio-gai berrietan euskara txertatzeagatik.

Bigarrena. Onuradunak

Diru-laguntza honen onuradunak izan daitezke Laudio udalerrian egoitza edo ordezkari duten merkatarri, ostalari eta zerbitzu enpresa txikiak betiere merkatarri, ostalari eta zerbitzu enpresa txikiengatik udalaren euskara planean partaide badira. Pertsona fisikoak zein juridikoak izan ahal izango dira deialdi honen onuradunak.

Pertsona batek ezin izango luke deialdi honen onuradun izan eskatzailea Diru-laguntzetarako azaroaren 17ko 38/2003 Lege Orokorraren 13. atalean edo Laudio Udaleko Diru-laguntzen udal Ordenantza Arautzailean laguntza horiek ezintasunerako zehazten diren egoeraren batean balego.

Hirugarrena. Laguntzak lortzeko betekizunak

Laguntzak emateko orduan aintzat hartu beharko dira ondoko puntu hauek:

a) Diru-laguntzak emango dira ondoren adierazten diren euskarrietan agertzen diren hizkuntza txertapenetarako:

— establezimendua identifikatzeko kanpoko errotulu orokor nagusia, betiere jardueraz edo eta onuradunaren berezko zereginez informazioa ematekoa baldin bada. Errotulu nagusia bat bakarra da.

– toldo-errotulazioa, onuradunaren jardueraz edo erakunde berari buruzko informazioa ematen duen kasuetan soilik. Ez dira lagunduko bertan ager litezkeen gainerako publizitate-osagarriak.

– ibilgailu industrialen errotulazioa, onuradunaren jardueraz edo erakunde berari buruzko informazioa ematen duen kasuetan soilik. Ez dira lagunduko bertan ager litezkeen gainerako publizitate-osagarriak.

– informazio komertzialeko xafren errotulazioa, betiere atarien edo sarbideen kanpoaldean badaude, herri bideetatik ikusgai eta eskaintzen den zerbitzuaren informazioa ematen dutenak, atari, telefonoa eta antzekoetatik harago.

b) Aurreko eskakizunak betetzen baldin badira eta errotulua euskaraz baino ez badago, kostuaren zerga-oinarriaren ehuneko 70 lagunduko da, eta oinarri berori izango da gastu lagungarria.

c) Euskaraz gain beste hizkuntza batez balego errotulua, kostuaren zerga-oinarriaren ehuneko 35 lagunduko da, eta oinarri berori izango da gastu lagungarria.

Euskara ez den beste hizkuntza bat dagoen kasuetan, euskarak berdintasun edo lehentasuneko tratua izango du beste hizkuntzarekiko diru-laguntzaren onuradun izan ahal izateko. Horretarako, irizpide hauek hartuko dira kontuan:

1. Irakurketaren ibilbideari jarraiki, euskara erdara baino lehentsuago agertuko da. Hau da, testua goitik beherako taxutzea duenean, euskarazko testua goiko aldean egongo da eta, horizontala denean, erdarazkoaren ezker aldean.

2 Erabiliko diren grafien edota testuen tamainan ezberdintasunik balego, euskarazko bertsioa izango da tamaina handienekoa.

3. Badira kontuan hartu behar diren hierarkia tipografiko batzuk: ondoren adierazten dira, garrantziaren arabera hurrenkeraz. Edozein kasutan ere, ezberdintasunik balego, euskarazko testuak erdarazkoak baino eskala altuagoa hartuko du errotulazio lanetan:

– LETRA LARRIA > Letra xehea

– Azpimarratua > Ez-azpimarratua

– Letra beltza > Arrunta

– Arrunta > Etzana

(balio gehiago > balio gutxiago)

4. Sarri, elementu batzuk ager daitezke, ezer berezirik ekarri gabe, hizkuntza bat bazterten dutenak eta, beraz, saihestu behar direnak. Gainera, nazioarteko administrazio-hizkuntzaren gomendio orokorrekin bat dator. Hauetako bat, helbideak idaztekoa da: Egokiagoa da “Goikogane, 25” helbidea idaztea “K/ Goikogane, 25 zk” edo “Goikogane kalea, 25 zk” baino.

5. Hizkuntza bakoitzeko testuak berezirik agertu behar izatekotan euskarazko testuak erdarazkoak duen helgarritasun bera edo gehiago izango du.

d) Oinarri honetako a) eta b) atalak errotulazio-lan bakoitzari aplikatuko zaio, hau da, errotulu nagusi, toldo edo ibilgailu bat baino gehiago behar izanez gero, diru-laguntzak biderkatuko lirateke.

e) Ezin izango dute diru-laguntzarik jaso establezimenduaren izen berezi soila edo abizena edo izen-abizenetan edo toponimo bat edo antzekoetan soilik oinarritutako errotulazioa bada. Bestela esanda, izenaren osagarri generikoa (harategia, okindegia, jatetxea...) da laguntza deialdi honen bitartez lehenetsi nahi dena.

f) Ez dira diruz lagunduko txarto idatzita edo oker gramatikalak dituzten lanak. Horretarako, eskatzaileak beti izango du baliagarri lana egin baino lehenagoko Euskara Arloaren aholkularitza.

Laugarrena. Epeak eta eskabideak aurkezteko moduak**1 Epeak**

Eskabideak aurkezteko epea deialdi hau ALHAOn argitaratu eta ondorengo egunean hasiko da, horretarako azken eguna 2018ko azaroaren 9a izanda.

2 Eskabideak aurkeztea

Eskaerak Laudioko udaletxeko Idazkaritza Nagusian (Herriko plaza, z/g 01400 Laudio) aurkeztu beharko dira edo, baita ere, Administrazio Publikoen Administrazio Prozedura Erkidearen Legean zehazten den moduetan.

Bosgarrena. Laguntzak ematea

Diru-laguntzak erabakitzeke orduan errotulazio lanak (errotulu nagusiak, toldoak, ibilgailuak eta atarrietako kanpoko xaflak) eragindako gastuaren zerga oinarria hartuko da kontuan eta haren ehuneko 70 edo 35 emango da, hurrenez hurren, euskara hutsez edo ele biz egin bada errotulazio lana, oinarria arautzaileen aplikazioaz eta deialdi honen 3. atalean jasotakoa betez.

Nolanahi ere, onartuko den diru-laguntzen gehieneko kopurua 350 eurokoa izango da elementu bakoitzeko.

Laguntzak onartzeko edo ukatzeko aplikatuko dira deialdi honen oinarri arautzaileak, Tokiko Gobernu Batzarrak 2017ko ekainaren 23an onartuak eta 2017ko uztailaren 3ko ALHAOn argitaratu zirela.

Seigarrena. Kopurua

Diru-laguntza guztien batuketak, gehienez ere, 2.000,00 eurokoa izango da, hau baita deialdi honetarako aurreikusitakoa.

Deialdi honen gastua Laudio Udalaren indarreko Aurrekontuaren 0900-3351-48112 ("Bestelako diru-laguntzak") diru sailaren karguan egingo da.

Zazpigarrena. Jakinarazpena eta ordaintzeko era

Behin Tokiko Gobernu Batzarrak onartu behin betiko ebazpena, eskatzaile guztiei helaraziko zaie. Erabakia arrazoitu egingo da, eta, bestela ere, erabakia hartzeko jarraitu diren irizpideak zehaztu beharko dira.

Diru-laguntza jasoko duten eskaera egilearen edo egileen izenak agertu beharko dira. Laguntza ukatzen zaien eskaeren zerrenda ere agertu beharko da, beti ere, erabaki horiek behar bezala arrazoituz.

Era berean, diru-laguntzaren kopurua, ordaintzeko modua eta laguntzaren baldintzak; bestetik aurkeztutako justifikazioaren onarpena.

Diru-laguntza hauek ordaintzeko modua laguntzaren ehuneko 100 ordaintzea izango da, behin aurkeztutako kitapena onartuta. Berau, hamargarren oinarrian jaso bezala egin beharko da.

Erabakia hartu eta jakinarazpenerako gehieneko epea hilabetekoa da. Deialdia egiten den unetik hasiko da epea, deialdiak berak epearen jakinarazpena atzeratzea zehazten ez badu.